

**08 SEPTEMBRIE**

**RUGACIUNEA 1**

**NASTERII MAICII DOMNULUI**

**МОЛИТВА**

О Пресвятая и Богоизбранная Дево, Владычице наша Богородице, небеси и земли Царице, на радость и утешение всему миру от бесплодных и безчадных родителей Богом дарованная! Родившись Божиим промыслением, Ты разрешила еси неплодствие рождшия Тя, и ныне неплодное сердце мое плодоносно сотвори предстательством Твоим у престола Вседержителя, неплодствовать же соделай мя злыми делы, гнилыми словесы и нечистыми помышленьми. О, Всеблаженная, да явлюся чадо Божие, добродетелей благоплодие присно приносящее. Ты утолила еси пречистым рождеством Твоим плач праматери нашея Евы и праведныя родители Твоя избавила еси поношения безчадства, и ныне утоли плач и воздыхания многоболезненныя и любогреховныя души моя и избави всех нас поношения злосмрадных дел наших, страстей безчестия и от всякаго порабощения вражескаго. Наипаче же даруй нам, Пресвятая Богородице Дево, во всесветлый день рождества Твоего чистым

сердцем разумети и памятовати, с коликою радостію и благодарением неплодная утроба святых праведных Анны носаше Тя, да и мы не точию словесы, но наипаче делы своими выну будем со умилением сердечным прославляти Тя, вопиюще: слава пришествію Твоему, Чистая; слава рождеству Твоему; слава девству Твоему, Мати Безневѣстная. Купно же с Тобою сподоби нас непрестанно славить и величати Всесвятый Плод Твой, Слово воплощенно, во чреве Твоем неопально носимо, Ему же слава подобает, честь и поклонение, со Безначальным Его Отцем и с Пресвятым и Благим и Животворящим Его Духом ныне и присно и во веки веков. Аминь.